



UNIVERSITÄTS-  
BIBLIOTHEK  
PADERBORN

# **Nucleus Juris Canonici**

**Thenhaven, Bernhard**

**Coloniæ Agrippinæ, 1739**

Privilegium Cæsareum.

---

[urn:nbn:de:hbz:466:1-63382](https://nbn-resolving.org/urn:nbn:de:hbz:466:1-63382)

PRIVILEGIUM  
CÆSAREUM.

CAROLUS SEXTUS, Divinâ favente Clementiâ Electus Romanorum Imperator Semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatiæ, Sclavoniæ, &c. Rex, Archi-Dux Austriæ, Dux Burgundiæ, Styriæ, Carinthiæ, Carniolæ & Wirtenbergæ, Comes Tyrolis, &c.

Agnoscamus & notum facimus tenore præsentium, quòd, cum Nobis JOANNES WERNERUS POLL, Bibliopola Colonienſis, humillimè exponi curârit, quem in modum P. BERNARDINI THENHAVEN, Ord. F. F. Minorum, NUCLEUM JURIS CANONICI, in octavo, prælo committere resolverit, vereatur autem, ne æmulatorum invidiâ hanc Editionem imitantium impendii & laboris sui fructu frustretur: Ideòque Nobis demissè supplicârît, quatenus ejusdem indemnitati Privilegiò Nostrò Cæsareò succurrere clementissimè dignaremur. Nos submissæ pariter & æquæ ejus petitioni annuendum censuerimus; ac proinde Auctoritate Nostrâ Cæsareâ omnibus & singulis Bibliopolis, Bibliopegis, Typographis, & aliis quibuscunque Rem Librariam seu Negotiationem exercentibus, firmiter inhibemus, vetamus, & interdici-mus, ne quis supra-nominatum P. THEN-  
HA

PRIVILEGIUM CÆSAREUM.

HAVEN NUCLEUM JURIS CANONICI, sub hoc alióve Titulo, per decem annorum spatium, ab hodierno die computandum, intra Sacri Romani Imperii & Regnorum, Ditionámque Nostrarum hæreditariarum fines recudere vel aliis recudendum dare, aliorúmve impressum apportare, vendere, vel distrahere citra præfati Impetrantis hæredúmque ac successorum voluntatem & assensum in scriptis obtentum ausit vel præsumat. Si quis verò locus faciendo Privilegium hoc Nostrum seu Interdictum violare, contemneréque præsumperit, eum non solum ejusmodi Exemplaribus, ubicunque locorum repertis, perperam quippe recufis seu apportatis (quæ dictus JOANNES WERNERUS POLL sive propriâ auctoritate, sive Magistratús illius loci auxilio sibi vindicare poterit) de facto privandum, sed & quinque Marcarum Auri purâ pœnâ, Arario seu Fisco Nostrò Cæsareo & parti læsæ ex æquo pendendâ, omni spe veniæ sublatâ, mulctandum decernimus, dummodo tenor hujus Nostrî Privilegii in fronte Libri impressus reperiat, & consueta quinque Exemplaria Consilio Nostrò Imperiali Aulico exhibeantur.

Mandamus itaque omnibus & singulis Nostris & S. R. Imperii, Regnórúmque & Dominiorum Nostrorum hæreditariarum subditis, & Fidelibus Dilectis, tam Ecclesiasticis, quàm sæcularibus, cujuscunque Statús, Gradús, Dignitatis aut Ordinis extiterint; præsertim verò iis, qui in Magistratu constituti vel suo, vel Superiorum suorum loco aut nomine Jus, Justitiámque administrant, ne quempiam Privilegium hoc Nostrum Cæsareum impunè violare, spernere aut transgredi patiantur; sed si

XX 3

quos

PRIVILEGIUM CÆSAREUM.  
quos contumaces compererint, constitutâ à Nobis  
multâ eos puniri, & quibuscunque modis idoneis  
coërceri curent; quatenus & ipsi gravissimam No-  
stram indignationem, & prædictam pœnam evitare  
voluerint. Harum testimonio Litterarum, manu  
Nostrâ subscriptarum, & Sigilli Nostri Cæsarei ap-  
pressione munitarum, quæ dabantur in Civitate  
Nostra Vienna, die vigesimâ tertiâ Julii, Anno mil-  
lesimo, sepringentesimo, trigesimo octavo, Regno-  
rum Nostrorum Romani vigesimo septimo, Hispa-  
nicorum trigesimo quinto, Hungarici & Bohemici  
verò vigesimo octavo.

*Carolus m.pp.*



Vt. Jo. Ad. Comes de Metsch. mp.

Ad Mandatum Sæcæ Cæsareæ Majestatis  
proprium

J. J. Hayeck de Waldstätten mpp.

AP.